



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-01-11-4992-3/26
Sarajevo, 06.07.2026. godine

Predmet: Obavijest o Budžetskim instrukcijama br. 2. Izrada zahtjeva za dodjelu sredstava iz Budžeta Kantona Sarajevo za 2027. godinu

Na osnovu člana 19. Zakona o budžetima u Federaciji BiH („Službene novine FBiH“, br.: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22, 7/25 i 6/26), Ministarstvo finansija Kantona Sarajevo budžetskim korisnicima dostavlja Instrukcije broj 2. Izrada zahtjeva za dodjelu sredstava iz Budžeta Kantona Sarajevo za 2027. godinu. Na web stranici Ministarstva finansija Kantona Sarajevo <http://mf.ks.gov.ba/> pod nazivom „Dokumentacija za izradu Budžeta 2027“ preuzima se dokumentacija za izradu budžetskog zahtjeva. Navedena dokumentacija sadrži:

1. Budžetske instrukcije br. 2.,
2. tabelu iz aplikacije eBudget (za osnovne škole, srednje škole, JU Djeca Sarajeva, organizacione jedinice Univerziteta u Sarajevu, ustanove kulture i ustanove socijalne)
3. popratne tabele u excel formatu za sve budžetske korisnike
4. Dokument okvirnog budžeta Kantona Sarajevo 2027-2029.

S obzirom da će se izrada Budžeta Kantona Sarajevo za 2027. godinu vršiti u softverskoj aplikaciji eBudget, obavještavamo vas da je u istoj otvoren budžetski ciklus „Budžet Kantona Sarajevo za 2027. godinu (ispravno)“, te možete pristupiti izradi budžetskih zahtjeva.

Ministarstva koja u okviru svog razdjela imaju potrošačke jedinice (škole, UNSA, ustanove kulture, ustanove socijalne zaštite itd.), obavezna su im prosljediti ovu obavijest, kao i objediniti zahtjeve i objedinjene dostaviti Ministarstvu finansija putem aplikacije eBudget i ovjerene u pisanoj formi.

Ukoliko postoji potreba za dodatnim sredstvima (iznad odobrenih gornjih granica rashoda) potrebno je u tabeli 12, popuniti tražene podatke o čemu će se diskutovati na sastancima za izradu Budžeta Kantona Sarajevo za 2027. godinu i o čemu će konačnu odluku donijeti Vlada Kantona Sarajevo.

Osim navedenog potrebno je u popratnom aktu, prilikom dostavljanja budžetskog zahtjeva, dostaviti i spisak tekućih i kapitalnih transfera, kao i spisak nabavke stalnih sredstava kao pozicija koje predstavljaju agregirane pozicije više projekata i aktivnosti kako bi Ministarstvo finansija nazive tih agregiranih pozicija uvrstilo u Zakon o izvršavanju Budžeta Kantona Sarajevo za 2027. godinu.



Uz zahtjev za budžet potrebno je da budžetski korisnici dostave obrazloženje agregiranih pozicija u kojem će detaljno navesti pojedinačne projekte i ukupnu vrijednost i svrhu projekta. Također, za pozicije koje nisu agregirane potrebno je navesti detaljno obrazloženje. Navedena obrazloženja su potrebna kako bi iste Ministarstvo finansija uvrstilo u obrazloženje budžeta za potrebe Skupštine Kantona Sarajevo.

Potrebno je da budžetski korisnici posebno obrate pažnju na naslov u Instrukciji broj 2 „2.1.12. Pravilnik o izmjenama i dopunama Pravilnika o knjigovodstvu budžeta u Federaciji Bosne i Hercegovine“ u kojem je navedena izmjena izvora finansiranja u Budžetu.

U skladu sa navedenim, molimo vas da vaše popunjene tabele u elektronskoj formi (putem aplikacije eBudget) i ovjerene u pisanoj formi dostavite Ministarstvu finansija najkasnije do **31. augusta 2026. godine**.

Dostavljanjem budžetskog zahtjeva u pisanoj formi Ministarstvu finansija do 31.08.2026. godine, poslije unosa zahtjeva u aplikaciju eBudget, smatrat će se da je ispunjena zakonska obaveza dostavljanja budžetskog zahtjeva.

S poštovanjem,



MINISTAR

Dr. Alan Kalamujić

Pripremili: Ajla Hajdarević
Mensura Draković
Nedžad Bašić

Kontrolisali: Nihad Kuritić
Dr. Amina Moćević



Adresa: Maršala Tita 62, 71 000 Sarajevo
Tel: + 387 (0) 33 565-005, Fax: + 387 (0) 33 565-052
Web: <http://mf.ks.gov.ba>, E-mail: mf@mf.ks.gov.ba